

ԱՇՈՏ ԳԱՐԵԳԻՆԻ ՀԱՎՀԱՆՆԻՍՅԱՆ



Սովետական պառնագիտությունը ծանր կորուստ կրեց: Կյանքից հեռացավ խոշորագույն գիտնական, կուսակցական և պետական նշանավոր գործիչ, պատմական գիտությունների դոկտոր, գիտության վաստակավոր գործիչ, Հայկական ՍՍՀ գիտությունների ակադեմիայի ակադեմիկոս Աշոտ Գարեգինի Հովհաննիսյանը:

Ա. Գ. Հովհաննիսյանը ծնվել է 1887 թվականի հունիսի 17-ին, Շուշի քաղաքում: Տարրական կրթությունն ստացել է Շուշիի ռեալական ուսումնարանում: 1906 թվականին մտնելով կոմունիստական կուսակցության շարքեր, Ա. Գ. Հովհաննիսյանը դառնում է աշխատավոր ժողովրդի սոցիալական և ազգային ազատագրության համար պայքարող ակտիվ մարտիկներից մեկը: Հայաստանում սովետական իշխանության հաղթանակից հետո Ա. Գ. Հովհաննիսյանը գտնվել է լուսավորության ժողովրդական կոմիսարի պատասխանատու պոստում՝ Հայաստանի առաջին սովետական կառավարության կազմում, իսկ

ապա ընտրվել Հայաստանի կոմունիստական կուսակցության Կենտրոնական կոմիտեի առաջին ֆարտուղար։ Նա շատ ուժ ու եռսնդ է նվիրել Հայաստանի ժողովրդական տնտեսության վերականգնման ու զարգացման գործին, վաստակել հանրապետության աշխատավորների սերն ու հարգանքը։

Ա. Գ. Հովհաննիսյանը կուսակցական ու պետական մեծ աշխատանք գոգորդում էր բեղմնավոր գիտական գործունեության հետ։ Պատմափիլիսոփայական փայլուն կրթությունը, համաշխարհային հայագիտության և ուսական պատմագրության լավագույն ավանդույթների յուրացումը հանդիսացան այն հիմքը, որի վրա Ա. Գ. Հովհաննիսյանը ձևավորվեց որպես լայն պրոֆիլի հայագետ, դառնալով հայ իրականության մեջ առաջին պրոֆեսիոնալ մաբխիստ-պատմաբաններից մեկը։

Արտասովոր կերպով լայն է Ա. Գ. Հովհաննիսյանի գիտական հետաքրքրությունների դիապազոնը։ Նրա գրչին են պատկանում ավելի քան 70 գիտական աշխատություններ, որոնք ժամանակագրական տեսակետից ընդգրկում են հայ ժողովրդի պատմության մի հսկայական շրջան՝ V դարից մինչև XX դարի սկզբները, իսկ քեմատիկ տեսակետից նվիրված են սոցիալ-տնտեսական հարաբերությունների, հասարակական ու քաղաքական մտքի պատմությանը, գրականագիտության կարևոր հարցերին։ Ա. Գ. Հովհաննիսյանի հետազոտությունների առանցքը հայ ժողովրդի ազգային-ազատագրական պայքարի և նրա քաղաքաքաղաքական պատմությունն է։ Բազմաճյուղ գիտնականը գիտականորեն հիմնավորել է հայ ժողովրդի ուսական կողմնորոշման ձևավորումն ու զարգացումը։ Այդ պրոբլեմի հետազոտությանը նա ձեռնամուխ էր եղել դեռևս դարասկզբին, երբ Խորաշխարհի մասին գերմաներեն լեզվով հրապարակած մենագրության համար նրան շնորհվեց փիլիսոփայության դոկտորի աստիճան։ Հայ ազգային-ազատագրական շարժման նախորդ և հաջորդ փուլերը Ա. Գ. Հովհաննիսյանը բնութագրել է առել «Դավազաններ հայ ազատագրական մտքի պատմության» կապիտալ աշխատության և «Նախադրյալներ և նրա ժամանակը» ֆունդամենտալ հետազոտության մեջ։

Ա. Գ. Հովհաննիսյանը հայ պատմաբաններից առաջինն էր, որ ձեռնամուխ եղավ հեղափոխական շարժման և սովետական իշխանության համար աշխատավորության պայքարի պատմության կարևորագույն պրոբլեմների ուսումնասիրմանը։ 20-ական թվականների հենց սկզբներին նա այդ քեմատիկալով հրապարակեց մի շարք աշխատություններ։

Ա. Գ. Հովհաննիսյանի աշխատությունները, որոնք աչքի են ընկնում վերլուծության խորությամբ, մտքի համարձակությամբ, ընդհանրացման լայնությամբ, իրավամբ, մտել են հայագիտության ոսկե ֆոնդը և արժանի համբավ բերել հեղինակին, նրան կանգնեցնելով հայ պատմագիտության խոշորագույն գործիչների շարքը։

Ա. Գ. Հովհաննիսյանը գիտության աչքի ընկնող կազմակերպիչ էր։ Նա եղել է Երևանի պետական համալսարանի ստեղծողներից մեկը, տարիներ շարունակ հանդիսացել է ՍՄԿԿ Կենտկոմին առընթեր մաբխիզմ-լենինիզմի ինստիտուտի բաժնի վարիչ, նյութական կուլտուրայի պատմության պետական ակադեմիայի Մոսկվայի բաժանմունքի ղեկավար, ՍՍՀՄ գիտությունների ակադեմիայի պատմության ինստիտուտի ղեկավարի տեղակալ։ 1954 թվականից մինչև իր կյանքի վերջը Ա. Գ. Հովհաննիսյանն աշխատում էր Հայկա-

կան ՍՍՀ գիտությունների ակադեմիայի պատմության ինստիտուտում, դեկավարում հայ ժողովրդի նոր պատմության բաժինը:

Հասարակական-հաղափական ու գիտական ակտիվ գործունեության համար Ա. Գ. Հովհաննիսյանը արժանացել է հայրենիքի բարձր պարգևին՝ Լենինի շքանշանի:

Ա. Գ. Հովհաննիսյանի, որպես գիտնականի և կոմունիստի, համար բնորոշ էին սկզբունքայնությունը, համոզման մեծ ուժը, իր և շրջապատի նկատմամբ բացառիկ պահանջկոտությունը, գիտելիքները մեծաթիվ աշակերտներին ու կոլեգաներին առատաձեռն հաղորդելու պատրաստակամությունը: Հենց այդպիսին էլ ժողովրդի հիշողության մեջ ընդմիշտ կմնա հիանալի կոմունիստ, մեծ գիտնական ու հաղափացի Աշոտ Գարեգինի Հովհաննիսյանի կերպարը:

Ա. ՔՈՉԻՆՅԱՆ, Ն. ՀԱՐՈՒԹՅՈՒՆՅԱՆ, Բ. ՄՈՒՐԱԴՅԱՆ, Ա. ՄԻԿՈՅԱՆ Հ. ԲԱՂՐԱՄՅԱՆ, Գ. ՏԵՐ-ՂԱԶԱՐՅԱՆՑ, Գ. ԱՐՁՈՒՄԱՆՅԱՆ, Մ. ՄԵԼՔՈՆՅԱՆ, Ռ. ԽԱԶԱՏՐՅԱՆ, Լ. ՂԱՐԻՐՋԱՆՅԱՆ, Վ. ՇԱԽՆՈՎԻԶ, Ա. ՍՏԵՓԱՆՅԱՆ, Մ. ՄՈՒՐԱԴՅԱՆ, Ե. ԱՍՏԱՏՐՅԱՆ, Հ. ԹԱՐՁՈՒՄԱՆՅԱՆ, Լ. ՍԱՀԱԿՅԱՆ, Հ. ԲԱՂԴԱՍԱՐՅԱՆ, Լ. ՍՏԵՓԱՆՅԱՆ, Վ. ՀԱՄԲԱՐՁՈՒՄՅԱՆ, Ս. ՄԵՐԳԵԼՅԱՆ, Ա. ՀՈՎՀԱՆՆԻՍՅԱՆ, Ա. ԻՈՍԻՖՅԱՆ, Ս. ԲԱԿՈՒՆՑ, Ծ. ԱՂԱՅԱՆ, Մ. ՆԵՐՍԻՍՅԱՆ, Գ. ՂԱՐԻՐՋԱՆՅԱՆ, Մ. ՇԱՀԻՆՅԱՆ, Զ. ԿԻՐԱԿՈՍՅԱՆ, Կ. ԳԱԼԼԱՔՅԱՆ, Զ. ՆԱՐԻՄԱՆՈՎ, Հ. ՄԵԼՔՈՆՅԱՆ, Ս. ԹԵՎՈՍՅԱՆ, Գ. ԳԱԼՈՅԱՆ, Ա. ԵՂԻԱԶԱՐՅԱՆ, Ա. ԿԱՐԻՆՅԱՆ, Ս. ԵՐԵՄՅԱՆ, Լ. ԽԱԶԻԿՅԱՆ, Բ. ՊՈՏՐՈՎՍԿԻ, Ա. ԱՌԱՔԵԼՅԱՆ, Բ. ԱՌԱՔԵԼՅԱՆ, Մ. ՀԱՍՐԱԹՅԱՆ, Վ. ՆԱԼՔԱՆԴՅԱՆ, Ա. ԱԴՈՅԱՆ, Գ. ՄԵԼԻՔ-ԳՐԻԳՈՐՅԱՆ: